

ერთის მხრივ, აჭარის ავტონომიური რესპუბლიკის ფინანსთა და ეკონომიკის სამინისტრო, წარმოდგენილი მინისტრის პირველი მოადგილის თორნიკე კუჭავას სახით, მოქმედი აჭარის ავტონომიური რესპუბლიკის ფინანსთა და ეკონომიკის მინისტრის 2019 წლის 03 ივნისის N01-01-6/75 ბრძანებით მინიჭებული უფლებამოსილების საფუძველზე (შემდგომში „შემსყიდველი“) და მეორეს მხრივ, შპს „ჰიდრო“, წარმოდგენილი დირექტორის ირაკლი წურწუმის სახით (შემდგომში „მიმწოდებელი“), ელექტრონული ტენდერის ჩატარების შედეგად (სატენდერო განცხადება NAT200018010, კლასიფიკატორის (CPV) კოდი 71320000) ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ხელშეკრულების საგანი და ღირებულება

- 1.1. შესყიდვის საგანი: ხულოს მუნიციპალიტეტის, მწვანე ტბის სარეკრეაციო ტერიტორიისა (ს/კ 23.14.35.746) და ალპური ბოტანიკური ბაღის (ს/კ 23.14.36.339) ელექტრომომარაგების მიზნით სამშენებლო დოკუმენტის შედგენა;
- 1.2. ხელშეკრულების საერთო ღირებულება შეადგენს 44444 (ორმოცდაოთხი ათას ოთხას ორმოცდაოთხი) ლარს.
- 1.3. ხელშეკრულების ღირებულება მოიცავს ხელშეკრულებით გათვალისწინებული სამუშაოების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებსა და გადასახდელებს, რომელთა გადახდაზე პასუხისმგებელია მიმწოდებელი.

2. ხელშეკრულების შესრულების კონტროლი

- 2.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში კონტრაქტით გათვალისწინებულ ტენიკურ პირობებთან.
- 2.2. ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 2.3. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს აჭარის ავტონომიური რესპუბლიკის ფინანსთა და ეკონომიკის სამინისტროს სამუშაო ჯგუფი შემდეგი შემადგენლობით: აჭარის ავტონომიური რესპუბლიკის ფინანსთა და ეკონომიკის სამინისტროს სივრცითი მოწყობისა და ტექნიკური ზედამხედველობის დეპარტამენტის უფროსი - I სტრუქტურული ერთეულის ხელმძღვანელი - ნუგზარ ძნელაძე, ამავე დეპარტამენტის ურბანული განვითარების განყოფილების უფროსი - II სტრუქტურული ერთეულის ხელმძღვანელი - სულხან მამუჭაძე და სამშენებლო ზედამხედველობის განყოფილების უფროსი - II სტრუქტურული ერთეულის ხელმძღვანელი - ზაალ ბაჯელიძე. ხელშეკრულებით ნაკისრი ვალდებულებების შესრულების კონტროლის განმახორციელებელი პირების ცვლილების თაობაზე, აჭარის ავტონომიური რესპუბლიკის ფინანსთა და ეკონომიკის სამინისტროს მიერ წერილობით ეცნობება მიმწოდებელს, წინამდებარე ხელშეკრულებაში დამატებითი ცვლილებების განხორციელების გარეშე.

3. შესყიდვის ობიექტის მიწოდების ვადები, პირობები და ადგილი

- 3.1. შესყიდვის ობიექტის მიწოდების ვადაა ხელშეკრულების გაფორმების თარიღიდან არაუგვიანეს 2021 წლის 01 ივნისამდე პერიოდი.
- 3.2. მიმწოდებელმა დამუშავებული ხაზობრივი ნაგებობის საპროექტო სქემა უნდა წარუდგინოს შემსყიდველს არაუგვიანეს 2021 წლის 25 მარტისა.
- 3.3. შესყიდვის ობიექტის მიწოდების ვადები და პირობები დეტალურად მოცემულია ტექნიკურ დავალებაში - დანართი N1.
- 3.4. იმ შემთხვევაში, თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გაუთვალისწინებელი დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის

შედგენა განხორციელდება ანაზღაურების გარეშე. პროექტების პერიოდში საპროექტო დავალებით გაუთვალისწინებელი სამუშაოების დაპროექტების საკითხი წერილობით თანხმდება შემსყიდველთან.

- 3.5. შესყიდვის ობიექტის მიწოდების ადგილია - ქ. ბათუმი მ. კომახიძის ქუჩა N119, აჭარის ავტონომიური რესპუბლიკის ფინანსთა და ეკონომიკის სამინისტრო. შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.

4. შესყიდვის ობიექტის მიღება-ჩაბარების წესი

- 4.1. შესყიდვის ობიექტი ან მისი ნაწილი ჩაითვლება მიღებულად მიღება-ჩაბარების აქტის გაფორმების შემდეგ.
- 4.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოდგინოს შემსყიდველს საქართველოს კანონმდებლობით გათვალისწინებული შესაბამისი ფინანსური დოკუმენტაცია.
- 4.3. შესყიდვის ობიექტის მიღება-ჩაბარებას შემსყიდველის მხრიდან განახორციელებს აჭარის ავტონომიური რესპუბლიკის ფინანსთა და ეკონომიკის სამინისტროს სივრცითი მოწყობისა და ტექნიკური ზედამხედველობის დეპარტამენტის უფროსი - I სტრუქტურული ერთეულის ხელმძღვანელი - ნუგზარ ძნელაძე, ამავე დეპარტამენტის ურბანული განვითარების განყოფილების უფროსი - II სტრუქტურული ერთეულის ხელმძღვანელი - სულხან მამუჭაძე და სამშენებლო ზედამხედველობის განყოფილების უფროსი - II სტრუქტურული ერთეულის ხელმძღვანელი - ზაალ ბაჯელიძე. შესრულებული სამუშაოების შუალედური მიღება-ჩაბარების განახორციელებელი პირების ცვლილების თაობაზე, აჭარის ავტონომიური რესპუბლიკის ფინანსთა და ეკონომიკის სამინისტროს მიერ წერილობით ეცნობება მიმწოდებელს, წინამდებარე ხელშეკრულებაში დამატებითი ცვლილებების განხორციელების გარეშე.

5. ანგარიშსწორება

- 5.1. ანგარიშსწორების ფორმა – უნაღდო.
- 5.2. ანგარიშწორება განხორციელდება მიმწოდებელსა და შემსყიდველი ორგანიზაციის წარმომადგენლებს შორის გაფორმებული შესრულებული სამუშაოების შესახებ საბოლოო მიღება-ჩაბარების აქტის და საგადასახადო ანგარიშგაქტურის (არსებობის შემთხვევაში) წარმოდგენიდან 10 (ათი) სამუშაო დღის განმავლობაში.
- 5.3. შემსყიდველის მიერ მიმწოდებელზე დაკისრებული პირგასამტეხლოს, ან ჯარიმების შემთხვევაში, შემსყიდველის მიერ არ იქნება ანაზღაურებული მიმწოდებლის მიერ გაწეული მომსახურების ღირებულება, ხარვეზის სრულად აღმოფხვრამდე და მასზე დარიცხული პირგასამტეხლოს/ჯარიმების (არსებობის შემთხვევაში) ბიუჯეტში გადახდამდე.
- 5.4. მიმწოდებელი უფლებამოსილია შემსყიდველს წარუდგინოს წინასწარი წერილობითი თხოვნა ავანსის გაცემასთან დაკავშირებით. მიუხედავად შესაბამისი წერილობითი მოთხოვნისა, შემსყიდველი უფლებამოსილია არ დააკმაყოფილოს ან დააკმაყოფილოს ნაწილობრივ მიმწოდებლის თხოვნა ავანსის გაცემის თაობაზე.
- 5.5. შემსყიდველის მიერ ავანსის გადახდასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია, შემსყიდველს წარუდგინოს საბანკო გარანტია. გარანტია წარმოდგენილი უნდა იყოს ეროვნულ ვალუტაში - ლარში, მხოლოდ საქართველოს ეროვნული ბანკის მიერ ლიცენზირებული საბანკო დაწესებულებიდან, ან უცხო ქვეყნის საბანკო დაწესებულებიდან, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ. გარანტიის წარმოდგენა ასევე დასაშვებია სსიპ „საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან. გარანტია წარმოდგენილი უნდა იყოს შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი უფლებამოსილი პირის მიერ და ბეჭედდასმული. საბანკო გარანტიის მოქმედების ვადა 60 კალენდარული დღით უნდა აღემატებოდეს ხელშეკრულებით გათვალისწინებული სამუშაოების დასრულების ვადას.

- 5.6. ანგარიშსწორება განხორციელდება წინასწარ გადასახდელი თანხის - ავანსის შესაბამისი ანგარიშფაქტურისა და საბანკო გარანტიის წარმოდგენიდან 10 (ათი) სამუშაო დღის განმავლობაში.
- 5.7. მიმწოდებელზე გასაცემი საავანსო თანხა ჯამში არ უნდა აღემატებოდეს ხელშეკრულების საერთო ღირებულების 30%-ს.
- 5.8. ხელშეკრულების შეწყვეტის შემთხვევაში შემსყიდველი უფლებამოსილია აინაზღაუროს ავანსი, ავანსის უზრუნველყოფის საბანკო გარანტიიდან.
- 5.9. ხელშეკრულების მოქმედების ვადის გაგრძელების შემთხვევაში (მიუხედავად იმისა ვისი, ან, რა მიზეზით მოხდა აღნიშნული ვადის გაგრძელება), მიმწოდებელი ვალდებულია, შემსყიდველის წერილობითი მოთხოვნიდან 5 სამუშაო დღის ვადაში, გააგრძელოს უპირობო და გამოუხმობი გარანტიის მოქმედება იმგვარად, რომ დაცული იყოს 5.5 პუნქტით განსაზღვრული დროის პერიოდი;

6. ფასები

- 6.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.
- 6.2. ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.
- 6.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.
- 6.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 6.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

7. ხელშეკრულებაში ცვლილებების შეტანა

- 7.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 7.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 7.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.
- 7.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8. უფლებების გადაცემა

- 8.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

9. სუბკონტრაქტორები

- 9.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

- 9.2. ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარედგინოს შემსყიდველს.
- 9.3. ამ ხელშეკრულების ფარგლებში დადებული არცერთი სუბ-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

10. პასუხისმგებლობა და ხელშეკრულების პირობების შეუსრულებლობა

- 10.1. მიმწოდებელი იძლევა გარანტიას, რომ მის მიერ გაწეული მომსახურების ხარისხი შეესაბამება წინამდებარე ხელშეკრულებით განსაზღვრულ პირობებს. დასრულებული საბოლოო პროექტის მიღება-ჩაბარების გაფორმების შემდეგ ნაკლის/ხარვეზის აღმოჩენის შემთხვევაში მიმწოდებელი ვალდებულია საკუთარი ხარჯით, დაუყოვნებლივ, არაუგვიანეს 15 კალენდარული დღისა აღმოფხვრას არსებული ნაკლი. თუ აღნიშნულ ვადაში მიმწოდებელი ვერ უზრუნველყოფს ნაკლის/ხარვეზის აღმოფხვრას, მიცემული ვადის გასვლიდან (15 კალენდარული დღის გასვლის მომდევნო დღიდან) მიმწოდებელს დაეკისრება პირგასამტეხლო ხელშეკრულების საერთო ღირებულების 0,1%-ის ოდენობით ყოველ ვადაგადაცილებულ დღეზე;
- 10.2. მიმწოდებლის მიერ ხელშეკრულების მე-4 მუხლის 4.1 და 4.2 პუნქტებით განსაზღვრული ვადების დარღვევის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 0,1%-ის ოდენობით ყოველ ვადაგადაცილებულ დღეზე. ხელშეკრულების მე-4 მუხლის 4.1 და 4.2 პუნქტებით განსაზღვრული ვადების შემდგომ წარმოდგენილ დოკუმენტაციაზე არ ვრცელდება მომსახურების დამადასტურებელი დოკუმენტაციის განხილვისა და ხარვეზის/წუნის გამოსწორებისათვის განსაზღვრული ვადები;
- 10.3. მხარეების მიერ ხელშეკრულების პირობების შეუსრულებლობა ან/და დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად. არაჯეროვანი მომსახურების გაწევის შედეგად შემსყიდველისათვის ან/და მესამე მხარისათვის მიყენებული ზიანის ანაზღაურება ეკისრება მიმწოდებელს.
- 10.4. ხელშეკრულებით ნაკისრი ვალდებულებების შეუსრულებლობის გამო მიმწოდებელთან ხელშეკრულების შეწყვეტის შემთხვევაში, მიმწოდებელს ერთჯერადად დაეკისრება პირგასამტეხლო ხელშეკრულების საერთო ღირებულების 10%-ის ოდენობით.
- 10.5. ისეთი საპროექტო ხარვეზის გამოვლენის შემთხვევაში, რომელიც გამოიწვევს საპროექტო-სახარჯთაღრიცხვო ღირებულების გაზრდას სამშენებლო სამუშაოების მიმწოდებლის მიერ განსაზღვრული საწყისი განფასების 10%-ზე მეტად ან/და სამშენებლო სამუშაოების შესრულების სრულ შეუძლებლობას 10 (ათი) კალენდარულ დღეზე მეტად, მიმწოდებელს დაეკისრება პირგასამტეხლო, ხელშეკრულების საერთო ღირებულების 5%-ის ოდენობით;
- 10.6. მიმწოდებლის მიერ პირგასამტეხლოს გადახდა სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

11. ხელშეკრულების შეწყვეტის საფუძვლები

- 11.1. საქართველოს კანონმდებლობით გათვალისწინებული წესით მიმწოდებელს უფლება აქვს შეწყვიტოს ხელშეკრულება იმ შემთხვევაში, თუ შემსყიდველი არ ასრულებს წინამდებარე ხელშეკრულებით ნაკისრ ვალდებულებებს.
- 11.2. საქართველოს კანონმდებლობით გათვალისწინებული წესით, შემსყიდველს უფლება აქვს ვადამდე შეწყვიტოს ხელშეკრულება იმ შემთხვევაში, თუ მიმწოდებელი არ ასრულებს (არღვევს) წინამდებარე ხელშეკრულებით აღებულ ვალდებულებებს, მათ შორის: 1. მიმწოდებელმა ვერ ან არ შეასრულა ხარვეზის გამოსწორების შეტყობინებაში დაფიქსირებული მოთხოვნები; 2. მიმწოდებლის მხრიდან სამუშაოები მიმდინარეობს ხელშეკრულებით განსაზღვრული პირობების დარღვევით; 3. მიმწოდებლის მიერ გადასახდელი პირგასამტეხლოს ოდენობა გადაჭარბებს ხელშეკრულების ღირებულების 5%-ს; 4. თუ მისთვის ცნობილი გახდება, რომ მიმწოდებლის მიერ მისი მდგომარეობის, კვალიფიკაციის და გამოცდილების შესახებ წარმოდგენილი მონაცემები და მონაცემების დამადასტურებელი დოკუმენტები ყალბი აღმოჩნდება; 5. მიმწოდებლის მიმართ გადახდისუუნარობის, გაკოტრების საქმის ან სხვა მსგავსი წარმოების განხსნის შემთხვევაში;

- 11.3. შემსყიდველს და მიმწოდებელს შეუძლიათ ურთიერთშეთანხმებით, ორმხრივად შეწყვიტონ ხელშეკრულება მისი მოქმედების ნებისმიერ ეტაპზე.
- 11.4. ხელშეკრულების შეწყვეტის შემთხვევაში მიმწოდებელი დაუყოვნებლივ წყვეტს სამუშაოებს.
- 11.5. თუ შემსყიდველი ხელშეკრულებას შეწყვეტს მიმწოდებლის მიერ ნაკისრი ვალდებულებების შეუსრულებლობის ან არაჯეროვნად შესრულების გამო, აღნიშნულ შემთხვევაში მიმწოდებელი ვალდებული იქნება ხელშეკრულების შეწყვეტიდან ერთი თვის ვადაში შემსყიდველს აუნაზღაუროს ყველა ზიანი და ზარალი.

12. ფორს-მაჟორი

- 12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 12.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

- 13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 13.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

14. გამოყენებული სამართალი

- 14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

- 15.1. ხელშეკრულება შედგენილია ქართულ ენაზე. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობას.

16. გადასახადები და დაბეგვრა

- 16.1. მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე, თუ ხელშეკრულებით სხვა რამ არ არის გათვალისწინებული.

17. ხელშეკრულების მოქმედების ვადა

- 17.1. წინამდებარე ხელშეკრულება ძალაშია წინამდებარე ხელშეკრულების გაფორმების თარიღიდან 2021 წლის 30 ივლისის ჩათვლით. აღნიშნული ვადა არ ვრცელდება ხარვეზის/ნაკლის გამოსწორებასთან დაკავშირებულ ვადებზე.
- 17.2. ხარვეზის/ნაკლის გამოსწორების ვადები გრძელდება საპროექტო-სახარჯთაღრიცხვო დოკუმენტაციით განსაზღვრული სამშენებლო ობიექტების მშენებლობის დასრულებამდე.

18. სხვა პირობები

- 18.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 18.2. მესამე პირთან ურთიერთობაში მხარეები მოქმედებენ საკუთარი სახელით, ხარჯებითა და რისკით.
- 18.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

19. მხარეთა იურიდიული მისამართები და რეკვიზიტები

<u>„შემსყიდველი“</u>	<u>„მიმწოდებელი“</u>
აჭარის ავტონომიური რესპუბლიკის ფინანსთა და ეკონომიკის სამინისტრო	შპს „ჰიდრო“
ტელ: (422) 27-35-10	ტელ: ++995591414207
მისამართი: ქ. ბათუმი, მ. კომახიძის ქუჩა 119	მისამართი: ქ. თბილისი, გ. ხანძთელის 23
	საბანკო რეკვიზიტები: სს თიბისი ბანკი
	ბანკის კოდი: TBCBGE22
	ა/ნ: GE42TB7546836020100002
საიდენტიფიკაციო კოდი - 245429200	საიდენტიფიკაციო კოდი - 404424155
მინისტრის პირველი მოადგილე	დირექტორი
თორნიკე კუჭავა	ირაკლი წურწუმია

ტექნიკური პირობა

ხულოს მუნიციპალიტეტში, მწვანე ტბის სარეკრეაციო ტერიტორიისა (ს/კ 23.14.35.746) და ალპური ბოტანიკური ბაღის (ს/კ 23.14.36.339) ელექტრომომარაგების პროექტირების შესახებ, მიმდებარე სეზონური დასახლებების ელექტრომომარაგების უზრუნველყოფის შესაძლებლობით

შესყიდვის ობიექტს წარმოადგენს: ხულოს მუნიციპალიტეტის, მწვანე ტბის სარეკრეაციო ტერიტორიისა (ს/კ 23.14.35.746) და ალპური ბოტანიკური ბაღის (ს/კ 23.14.36.339) ელექტრომომარაგების (შემდგომში მიმდებარე სეზონური დასახლებების ელექტრომომარაგების უზრუნველყოფის შესაძლებლობით) მიზნით სამშენებლო დოკუმენტის (კლასიდან გამომდინარე საპროექტო-სახარჯთაღრიცხვო დოკუმენტი) შედგენა

ძირითადი მიზანი:

ზემოაღნიშნული ტერიტორიებისა და გოდერძის ურელტეხილისა და მწვანე ტბის მიმდებარედ არსებული სეზონური დასახლებების მდგრადი ელექტრომომარაგებით უზრუნველყოფა.

შესრულების ვადა:

სამშენებლო დოკუმენტი (კლასიდან გამომდინარე საპროექტო-სახარჯთაღრიცხვო დოკუმენტი) შეთანხმდეს სს „ენერგო-პრო ჯორჯია“-სთან და შემდგომ წარედგინოს შემსყიდველთან 2021 წლის 01 ივნისამდე.

შუალედური შეთანხმება:

დამუშავდეს ხაზობრივი ნაგებობის საპროექტო სქემა, რომელიც შესათანხმებლად უნდა წარედგინოს შემსყიდველს და შემდგომ სს „ენერგო-პრო ჯორჯია“-ს. შენიშვნების არსებობის შემთხვევაში, მათი სრულად გათვალისწინების შემდგომ, საპროექტო სქემა უნდა შეთანხმდეს საბოლოოდ ზემოხსენებულ მხარეებთან და წარედგინოს შემსყიდველს არაუგვიანეს 2021 წლის 25 მარტისა.

ძირითადი მოთხოვნები:

სამშენებლო დოკუმენტი შედგენილი უნდა იყოს საქართველოში მოქმედი კანონმდებლობის, სამშენებლო წესებისა და ნორმების გათვალისწინებით. პროექტი შედგენილი უნდა იქნას ქართულ ენაზე.

საპროექტო არეალის კლიმატური პირობებიდან გამომდინარე დაპროექტდეს მიწისქვეშა ხაზობრივი ნაგებობა (ელექტრო გადამცემი ხაზი).

აღნიშნულ პროექტში გასათვალისწინებელია სატრანსფორმატორო ქვესადგური/ების პროექტის შემუშავება ყველა საჭირო მოწყობილობა-დანადგარების მონტაჟით. შემუშავებული პროექტი უნდა მოიცავდეს სახარჯთაღრიცხვო დოკუმენტაციასა და მშენებლობის ორგანიზების პროექტს.

საპროექტო-სახარჯთაღრიცხვო დოკუმენტაციას ჩაუტარდეს საექსპერტო შეფასება სს „ლევან სამხარაულის სახელობის სასამართლო ექსპერტიზის ეროვნული ბიურო“-ს ან შესაბამის სფეროში აკრედიტებული ინსპექტირების ორგანოს მიერ. საექსპერტო შეფასების განხორციელებაზე პასუხისმგებელია შემსრულებელი, რომელიც ვალდებულია ითანამშრომლოს ექსპერტთან და დამკვეთს წარუდგინოს ექსპერტიზის ერთმნიშვნელოვნად დადებითი დასკვნა მის მიერ შემუშავებულ პროექტთან დაკავშირებით.

შესასრულებელი საპროექტო სამუშაოების მიმართ სხვა აუცილებელი მოთხოვნები:

1. დასაპროექტებელი ხაზობრივი ნაგებობის მარშრუტი უნდა შეირჩეს ადგილობრივი რელიეფის და გეოლოგიური პირობების გათვალისწინებით, ასევე გათვალისწინებული უნდა იყოს ადგილობრივი ჰიდრო-მეტეოროლოგიური და კლიმატური პირობები. ხაზობრივი ნაგებობის პროექტირება უნდა მოხდეს არეალისათვის დამახასიათებელი კლიმატური პირობების გათვალისწინებით, კერძოდ ამ უკანასკნელმა ზეგავლენა არ უნდა მოახდინოს ელექტრომომარაგების უწყვეტ მუშაობაზე, რისი შეფასებაც პროექტის ექსპერტიზის ჩატარების სტადიაზე უნდა იყოს განხილული.

2. საჭიროების შემთხვევაში მოეწვოს ძაბვის მოთხოვნილი სიმძლავრის შესაბამისი სატრანსფორმატორო ქვესადგური/ები, რომელთა მინიმალური სიმძლავრე განისაზღვრება ტექნიკური საჭიროების მიხედვით.
3. აღნიშნული ხაზის დაერთდეს სს „ენერგო-პრო ჯორჯია“-ს მიერ გაცემული №5130576 ტექნიკური პირობით განსაზღვრულ ქვესადგურს/ებს.
4. აღნიშნული საშუალო ძაბვის გადამცემი ხაზის ძაბვის საფეხური უნდა შეირჩეს ხაზის სიგრძიდან გამომდინარე და იმის გათვალისწინებით, რომ ის მომავალში შესაძლოა გახდეს საქართველოში არსებული რომელიმე სადისტრიბუციო ქსელების ნაწილი.
5. დასაპროექტებელი ქსელის განშტოების წერტილებში დაიდგას სახაზო გამთიშველები. საჭიროების შემთხვევაში გადამეტაბვისაგან დაცვის თვალსაზრისით გამოყენებულ იქნეს გადამეტაბვის შემზღუდველები, რომლის მოწყობის ადგილი და ტიპი დაზუსტდეს პროექტირების დროს.
6. საჭიროების შემთხვევაში, რეაქტიული ენერგიის კომპენსირებისათვის პროექტით განისაზღვროს აუცილებელი ტექნიკური ღონისძიებები.
7. შემსრულებელი ვალდებულია სამშენებლო დოკუმენტით დაიცვას „ელექტროდანადგარების მოწყობის წესები“-ს, „ელექტროენერგიის (სიმძლავრის) მიწოდებისა და მოხმარების წესები“-ს, „უსაფრთხოების ტექნიკის წესები ელექტროდანადგარების ექსპლუატაციისას“, „ქსელის წესები“-სა და საქართველოში მოქმედი სხვა ნორმატიული აქტების მოთხოვნები.
8. დაბალი და საშუალო ძაბვის ხაზების კაბელების და ამ ხაზების გამართული ფუნქციონირების უზრუნველსაყოფად მოცემული ტექ. დავალებით განსაზღვრულ სხვა ელექტრო მოწყობილობების დაპროექტებისას მასალათა უწყისში მიეთითოს პროდუქციის ტექნიკური მახასიათებლები.
9. სამუშაოების ხარჯთაღრიცხვა უნდა შეესაბამებოდეს საქართველოს მთავრობის 2014 წლის 14 იანვრის №55 დადგენილებით დამტკიცებულ ტექნიკური რეგლამენტის-„სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესი“-ს მოთხოვნებს.
10. პრეტენდენტი ვალდებულია პროექტის ხარჯთაღრიცხვას (ხარჯთაღრიცხვის შედგენის შესაბამისობა მოქმედ ნორმებთან და საპროექტო მოცულობების შედარება სახარჯთაღრიცხვო მოცულობებთან) ჩაუტაროს ექსპერტიზა. ექსპერტიზის განმახორციელებელი ორგანო უნდა იყოს სსიპ-ლევან სამხარაულის სახელობის სასამართლო ექსპერტიზის ეროვნული ბიურო ან სხვა აკრედიტებული პირი. ერთმნიშვნელოვნად დადებითი საექსპერტო დასკვნა წარმოდგენილ უნდა იქნას შესრულებულ სამუშაოებთან ერთად. იმ შემთხვევაში, თუ დასკვნის გამცემი ორგანო არ იქნება სსიპ-ლევან სამხარაულის სახელობის სასამართლო ექსპერტიზის ეროვნული ბიურო, პრეტენდენტმა დამატებით უნდა წარმოადგინოს ექსპერტიზის განმახორციელებელი ორგანოს/პირის შესაბამისი აკრედიტაციის სერთიფიკატი. აკრედიტაციის სფერო უნდა ფარავდეს მოთხოვნილ მომსახურებას.
11. სამშენებლო დოკუმენტი უნდა შესრულდეს „საქართველოს სივრცის დაგეგმარების, არქიტექტურული და სამშენებლო საქმიანობის კოდექსისა“ და „მშენებლობის ნებართვის გაცემისა და შენობა-ნაგებობის ექსპლუატაციაში მიღების წესისა და პირობების შესახებ“ დადგენილების მოთხოვნათა სრული დაცვით.

დამატებითი მოთხოვნა:

გამარჯვებულმა უნდა მოახდინოს ტერიტორიის საველე-სადიებო სამუშაოების ჩატარება. იმ შემთხვევაში, თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გაუთვალისწინებელი დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენა განხორციელდება ანაზღაურების გარეშე. პროექტირების პერიოდში საპროექტო დავალებით გაუთვალისწინებელი სამუშაოების დაპროექტების საკითხი წერილობით თანხმდება შემსყიდველთან.

მომსახურების მიწოდების ფორმა

მომსახურების ანგარიში წარმოდგენილი უნდა იყოს წერილობითი სახით. საბოლოო დეტალური საპროექტო სახარჯთაღრიცხვო დოკუმენტაცია წარმოდგენილი უნდა იყოს ქართულ ენაზე, როგორც ელექტრონულ ფორმატში (ვექტორული DWG ან DXF PLN გაფართოების ფაილი ArchiCAD ან AutoCAD, GIS სისტემასთან თავსებადობით და PDF ფაილი. კომპაქტური დისკებით (CD ან DVD) სახით), ასევე ბეჭდური ვერსიით მყარი ასლების (A4 და A3 ფორმატში) სახით. საბოლოო დეტალური საპროექტო-სახარჯთაღრიცხვო დოკუმენტაცია წარმოდგენილი უნდა იყოს ალბომის სახით ქართულ ენაზე 5 (ხუთი) ეგზემპლარად.